

吳伯雄
編

陳壽祺全集

37



廣陵書社

陳壽祺全集



廣陵書社

第三十七册

卷百八十二 宋人物 良吏傳福州 建州 一

卷百八十三 宋人物 良吏傳泉州 南劍州 漳州 汀州 邵武軍 興化軍 八三

卷百八十四 宋人物 武功傳 一八七

卷百八十五 宋人物 道學傳 二〇三

卷百八十六 宋人物 儒林傳福州 三〇三

卷百八十七 宋人物 儒林傳建州 泉州 三六一

卷百八十八 宋人物 儒林傳南劍州 漳州 汀州 邵武軍 興化軍 四五三

重纂福建通志卷之百八十二

人物

宋良吏傳

福州閩縣連光裕 劉若虛 孫奔 陳佚 王純 葉綰

柯春卿 林采 李起渭 鄭良臣 李大訓 趙紉夫

從子黃歲 彭彥堅 朱挺 李若水 陳琥 趙以林畔

時儋侯官縣鄭強 王互 陳諤 葉莫 陳塏 福清縣夏臻

蒲堯仁 陳華 何仲慈 陳介 永福縣江叔豫 長

溪縣邱允 林珣 王宗己 黃沐之 長樂縣潘鯁 張

本中 韓壁 卓洵 潘周伯 陳紱 陳容 寧德縣鄭

士懿 連江縣李餘慶 子處道古田縣林岳 縣貫無考黃

懋 林光裔 王霖龍

建州建安縣徐爽 張式 徐洪 邱與權 謝麟 雷覺

民 練乾譽 江安止 黃由庚 吳勢卿 浦城縣黃孝

先 黃萃從子 葉安節 何述 周因弟固 子椿年 郭汝

賢 張大年子次夔 祖秀實 黃烈 葉文炳 楊孝定

張彥清 建陽縣陳儼 吳居仁 松溪縣李規子文淵 崇安

縣吳評 王鬲 詹範 吳仲虎子必明 翁彥約子挺 章元振

子才 吳達 江灝孫黠 曾孫黠 翁績 俞翊 李岐 虞大中

邱隲 詹師文 詹淵 甌寧縣吳師服子拭 黃洧 葉廷

珪 魏懋 陳洙 陳梓 夙子興 葉湜子采

閩縣

連光裕太宗朝知安州應山縣有功於民後歷磁郢二州推官其卒也應山人追思惠政迎柩以葬子正因家焉

劉若虛字叔揚

一作陽

先世居泉州祖文濟始徙福州閩主王審知

以女妻之官終吏部郎中父甫仕吳越歸朝後以母老不就官若虛登咸平五年進士授大理評事紱遷太常博士通判洪州大姓胡氏子殺人以厚貲僱老貧者代抵獄且成若虛躬覈之得實捕胡氏子寘諸法瀕江民以漁爲生而土豪常半取之曰漁當吾田所也若虛案視奏除沿江田租縱民漁改屯田員外郎知邵武軍詳見天禧三年卒於官若虛事親至孝親有疾輒不御酒肉居親側雖大暑中夕必嚴衣冠長幼內外皆有法度鄉人化之以二子奔異爲郎紱贈光祿寺卿奔自有傳

孫弈字景山皇祐元年進士歷知南陵海陵二邑呂誨知開封薦知封邱誨爲御史中丞又薦爲御史臺主簿尋遷監察御史論新法不便爲鄧綰所劾出監陳州酒稅陳襄知杭州辟爲簽判襄在經筵薦士三十二人弈其一也襄言弈事行著於鄉閭節義信於朋友外雖樸澹中實強敏歷官所至以善政聞可謂循良之吏宜使當一路足以厚俗安民元祐初竊除福建轉運使

陳侁字後之元符三年進士授江州德安縣主簿侁素與陳瓘友善瓘在諫省有所彈劾多侁所裨益崇寧中蔡京當國以惡瓘故併欲害侁會江州易守京以侁名付之守伺察無所得檄侁按田湖口縣還以旱告守卽劾侁受成胥吏失賦稅奏上遇雨赦京猶請旨勒停久之調和州司戶州有獄不應死守欲殺之侁抱牘與

辯良久守怒以辭氣相加侁色平言莊徐理前語卒得平反而退
同列有唁者侁曰厯陽太守叱司戶何預我哉苟殺不辜不以天
下易吾介也歲滿遷建康軍節度推官父喪服除監在京河南炭
場凡五年率漏未盡十刻出莅局午而歸嘗語人曰吾爲祿仕敢
不盡職然居今惟此官爲易塞責爾用薦者改宣教郎充洪州錄
事州吏何爽爲姦利前後數守龜惟摘紙尾請書判侁發其姦付
司理自此一府竦然承聽宣和三年代且至以疾卒於官年五十
有三侁明於興衰治亂大勢當建中靖國初朝廷更張政事侁移
書侍郎鄒浩略言天下事元祐引而西北紹聖引而東南今復引
而爲元祐矣僕之私憂將恐有甚於紹聖者後黨錮起如侁言旣
歿許景衡楊時言國家失此人可痛惜其爲名流推重如此子長

方見儒林傳

王純字長紘紹興中知崇安縣摘發奸伏吏憚其明他日數一吏罪過吏懼賂庖人置毒炊餅中食未畢亟入廨仆地卒後二日神附婢體踞榻坐請丞簿尉至斥吏杖數之曰諸君皆在好啓吾棺吏與庖人皆伏辜邑人哀祀之

葉綰紹興十七年知處州龍泉縣令行禁止訟牒至庭燭見情僞委曲開諭曉之以理抵罪者咸自輸服習俗好爭教以懲忿息怒全身養生卒多感化先是邑佐括民老病者以爲隱丁抑之輸納綰驗而免之民大悅服

柯春卿淳熙間宰袁州宜春縣莅事精敏剖決不倦郡守張杓雅重之遷邑庠於秀江後倅大府有能聲

林采字作玉淳熙中知遂昌縣新學舍請還贍學金於郡括匿稅田於鄉以廩士旬有課季有考學者翕然向風核隱戶定稅名置都籍事無不舉

李起渭字肖望自起渭以上寬厚樂施予得長者稱凡五世起渭登慶元五年進士歷澧州戶曹教授辰州辰士素弗嫻文藝而博士舍又距學遠師弟子不相聞起渭斥校士所得例錢合俸餘更剗之士始得親師樂業改知安豐軍安豐縣時兵革甫息四野多遺骸擇高燥地瘞之招輯流民來歸者日相踵茅欄竹屋易以瓦木力不足者官爲營造聽民輸餼直以居歲當郊太常符下供鹿腊起渭念民罷未紓作詩以諷於朝之知己者事得寢縣故無城起渭請躬率兵民興築給以廩食冬而作春而息農無違時役不

告病越三年城成詔改宣教郎仍領邑事先是成卒散處編氓閒人病其擾起渭創爲新營軍民不相雜咸便安之朝命糴粟實邊起渭深懲科配諸弊行以不擾邊儲告實益出公錢市其贏豫爲賑恤備明年大旱蝗出粟平糴復貸買人金使四出招糴訖事塗無餓殍自旁郡流離來者亦賴以全活會新守至入吏言常賦外徵求甚急起渭力爭數四拂守意遂丐崇道祠以歸紹定三年卒年五十有九

鄭良臣嘉定十年進士淳祐二年知潮州民苦白丁錢舊時據籍取辦雖死徙不得蠲豁良臣易籍更編民賴以安復增田租於學宮及韓山書院爲養士費官終太常博士潮人祀諸名宦祠李大訓字君序父士龍仕至奉直大夫直祕閣老居里中後生考

德問業者應之無倦色黃幹嘗賢士龍謂其於窮通榮辱之變泊如也大訓初以父蔭補同安縣丞縣奸豪受民賦與吏相表裏賦不以時入大訓課吏籍其姓名與所受之數按籍以索不擾而辦轉吉州廬陵縣丞適大旱獄囚淹滯提刑司檄大訓慮囚有以峒寇繫者七十餘人大訓鞫得正犯十餘人餘皆平民官軍掠之以邀功獄具上捕盜者力爭庭下大訓正色曰將官殺人軍前則獄官不得與今旣付獄是非曲直當聽有司君安得輒爭乎所活五十餘人有尹四者或謂賊酋不當釋大訓辨其非後數日果有執尹四而至者人乃大服峒寇猖獗勢連湖廣萬安邑連寇境大訓攝其事密調義丁戍兵備之賊不得逞而去郡委大訓往湖南議夾攻之策潭帥曹彥約喜其材畱大訓偕行討賊迄事始歸調贛

州安遠令會吉之龍泉尚有負固跳踉者監司交辟大訓知縣事
既至招集流亡一意撫摩朝廷蠲兩稅大訓復奏寬年限大軍徹
成大訓謂不可無備請置隴頭寨以捍外寇畱戍兵五百以護縣
郭人情始安青草明坑二峒素桀驁或議勦之大訓曰獨不可理
諭乎招其酋長十餘人至具勞之諭以禍福皆泣謝去曰李知縣
非欺人者相與勒石笥峯頌大訓德且誓不敢負用薦者改知惠
州歸善縣事省俗醇治以安靜舊時衣冠喪葬無復品節爲文戒
之俗爲一變嘉定十二年卒於官大訓篤志伊洛之學非其類不
交鄉鄰罕識其面居官所至以廉謹稱倥傯則力事功閒暇則修
禮教論者謂其儒而不懦吏而不俗云

趙紉夫宗室子嘉定十三年宗子正奏紹定四年以贛州贛尉攝

雩都縣時石城尉黃元仲僭號狂逞紉夫葺城濠爲守禦賊圍城登臺射之稍退率兵追北擒元仲嚮於市明年還職父老磨石紀其功從子時儋景定中亦知雩都會磔下賊廖四猖獗勢將逼城時儋在道聞警疾馳至邑募義丁勸富民出貲給兵食與賊戰大破之斬其渠縱火焚賊砦殆盡

黃歲紹定中知南雄州政先教化尤重表揚忠節久旱禱雨歷三晝夜跪求果得雨歲以大稔秩滿遷廣東提舉常平奏蠲本州歲上供銀三千餘民祠祀之

彭彥堅

一作彥班

字國器端平中知循州轉運使檄令敷糴彥堅請減

五千斛轉輸之費不以累民復節縮錢數十萬作新學舍免佃丁困夫役者五十餘家隸學以供營繕具其去也士民畱像祀之

朱挺字烈仲端平中知循州治以風教爲先行鄉賓舉課試習俗丕變復申明節制以御六戍適外寇至挺遣兵捕之斬獲殆盡

李若水寶祐間知循州龍川縣以儒飾吏寬猛適中修泮宮營廨宇繕倉庫築城百需咸出公帑毫不擾民民繪像祀之於城東樓陳琥字少嚴寶祐元年進士爲南豐令痛繩郡吏嘗曰民不得安者吏爲之蠹也取吏之巨猾曰三陳者斷手足以令羣吏股栗百姓歡呼有問者曰公以恕齋自號而竟不恕何也對曰吾恕於民耳吏可恕乎識者以爲名言同郡趙以孚字用甫寶慶初亦令南豐承嚴密之後一以儒雅寬大撫柔其民崇學校簡刑役邦人亦懷之

林畔景定二年以太常丞攝惠州事嘗察盜得其情諭之曰人性

未嘗不善汝亟自新因遺錢三緡釋之盜感泣自是境內無盜

侯官縣

鄭強字南美崇寧五年進士任萍鄉令邑多瞽民強謂縣勢形如飛鳳鑿雙池縣南以象兩目民遂少瞽虞溪水漲築隄障之號鄭

公陂遷知汀州

詳見官績

郡人立祠祀焉

王互字伯通旦弟紹興三十年進士淳祐中知惠州博羅縣

淳祐距紹

興太遠或

淳熙之謬勤於吏事修隨龍蘇村二隄百姓賴其利後與單倬相

繼知南恩州力蘇民瘼民兩賢之

陳諤字元昌以蔭補潭州攸縣尉有能聲改知紹興府餘姚縣訟牒以千數決遣無停浙東仍歲凶儉諤撫恤有方獨餘姚民無菜色遷知潮州潮陽縣前攝事者爲一切苟簡之政諤不憚煩刷去

之捐俸錢修費宇士氣爲之一奮尋通判興化軍卒於官

葉莫字實之慶元二年進士歷潭州善化令改知處州遂昌縣修復經界民蒙其利遷宣教郎簽書武岡軍判官先是守臣司馬遵素庸懦兇卒蔣宗等倡亂剽掠居民三十餘家安撫使真德秀檄莫權攝郡事使圖之莫素以寬厚爲民兵所信愛外示撫柔而中爲規畫以措置火政爲名選兵卒之可用者團結什伍更番守宿區處既定卽以德秀所下賞榜及借補文帖密示軍士李成陳喜李收于志四人使爲之倡於是羣卒爭奮遂梟宗首餘黨亦同時就縛德秀上其功於朝尋差通判武岡軍後爲吏部郎中江西提刑終中奉大夫

陳埜字子夷襄曾孫占籍嘉興端平二年登第簽官右文殿修撰